

INUIT ATAQATIGIIT INATSIARTUNI



UKA2025/23+24

15. Oktober 2025

Mariane Paviassen Jensen

Aatsitassanut tunngasunik suliaqarneq pillugu Inatsisartut inatsisaata allanngortinneqarnera pillugu Inatsisartut inatsisaat

(Inuussutissarsiornermut, Aatsitassanut, Nukissiutitut, Inatsisit Atuutsinneqarnerannut Naligiissitaanermullu Naalakkersuisoq)

Aatsitassat pillugit ingerlatallu tamatumunnga pingaarutillit pillugit inatsisaata (aatsitassanut allanngortinneqarnera pillugu Inatsisartut inatsisaat ikummatissanullu inatsit)

(Inuussutissarsiornermut, Aatsitassanut, Nukissiutitut, Inatsisit Atuutsinneqarnerannut Naligiissitaanermullu Naalakkersuisoq)

Oqaaseqaat.

Naalakkersuisut aatsitassanut tunngasunik inatsinnik allannguiniarlutik siunnersuutaannut Inuit Ataqtiginniit ima isumaqarpugut:
Siullermik immikkoortoq 23 ima oqaaseqarfigniarparput.

Naalakkersuisut allaffissornikkut pisariinnerusumik ingerlatserusullutik siunnersuutaannut isumaqataavugut, allaffissornerujussuarmik ingerlatsinitta nunatsinnut inuiaqatigiit 56 tusindinik inulinnut tulluanngitsumik ingerlatsineq annertuumik ajornartorsiuteqarfigaarput, aningaasarpasuit, sulisorpassuillu pitsaannerusumik atorluarneqarnerusinnaagaluartut inatsisiliarineqartartunik aallaaveqartunik allaffissornerujussuarmik pilersitsiortorneq ukiorpassuarni ingerlasimasoq maanna annikillisarneqalersoq iluarisimaarparput. Allaffissornikkummi uagutsinnut tulluurtunik aaqqissuuseqqinnissaq pisarialerujussuusoq isumaqarpugut.

Siunnersuummi pineqartoq tassaavoq Aatsitassanut ikummatissanullu aqutsisoqarfimmi aammalu aatsitassanik suliaasaqarfinnut avatangiisinut aqutsisoqarfimmi inatsinnik atuuttunik allannguinnikkut allaffissornerup eqaannerusumik pisariinnerusumillu ingerlanneqarsinnaalernissaanik anguniagaqarneq.

Apeqqtissaqarpugulli, siunnersuummi tunngavilersuutigineqartut ilaanni ersarissaasoqartariaqartoq isumaqarpugut, uani pisarput tassaavoq immikkoortortamik nutaanik

INUIT ATAQATIGIIT INATSIARTUNI



pilersitsineq, nalunaarummik immikkoortortat suliassaannik akisussaaaffiinillu erseqqinnerusunik aalajangersaaviusunik atuutsilersitsinikkut pisinaasasoq allaaserineqarpoq, tamannalu ersarinnerusumik paasisaqarfigerusunnartuuvoq:

Immikkoortortaq nutaassaq allaffissornermik annerulersitsissava?

Akisussaaffiit ersarinnerusariaqanngillat uani allanngortitsiniarnermi?

Inatsisartut inatsisaanni 2012-meersumi annertuumik sunniuteqarsinnaasunut Naalakkersuisut akuersissuteqatartussaasut ilisimavarput, taamaattorli aamma aqutsisoqarfik “ingerlatassanut akuliuffiunnginnerusussanut tunngasuni aalijangiisinnatitaallutik, ima paasillugu atorfilitta isumaqarunik aalijangiiffigisassat Naalakkersuisunit akuliuffigineqartariaqanngitsutut isigisaminni aalijangiisinnatitaallutik, tamannalu ersareqqissaanik paatsoorneqarsinnaanngitsunillu malitassaqartinneqartariaqarput, ernumanarsinnaavormi atorfilittat Naalakkersuisunik qaangiinnarlutik aalijangersaarsinnaaneri, taamaakkaluartoq Naalakkersuisunut naammagittaalliorsinnaaneq periarfissaavoq, kisiannili suliat ingerlalereernerannik immaqalu atsioqatigiittoqarsimappat naammagittaalliorsinnaanerup atoraluarneranni kingunerlussinnaanera sillimanartorujussuusaq, taamaammallu atorfilittanut aalijangersaasinnatitaanerup killissai ersarissumik paaserusunnarput.

Aap suliassani pingaarutilinni ilaani allaffissorneq pingaaruteqartarpoq, taakkunanili pingaaruteqarluinnartuusaaq malitassat ersarissut apeqquserneqarsinnaanngitsut aalijangiisartunit tamanit takuneqarsinnaallutillu nalornissutigineqarsinnaannginnissat.

Siunnerssuummi iluarisimaakkatsitut taasinnaasarpur tassaavoq suliassat allaffissornikkut nammatassat annikillisarneqarniarneri, aammalu suliarinnittarnerup sivikinnerulernissaanik siunertaq.

Siunnerssuummi naammagittaalliorsinnaasuttip Aatsitassanut ikummatissanullu aqutsisoqarfimmiit peerneqarsinnaanera ajornartorsiutitut isigineqanngilaq periarfissarmi Pinngortitamut avatangiisinullu tunngasunut naammagittaalliorfissamik periarfissiinissaq tamanit atorneqarsinnaasoq pilersinniarneqartoq pisinnaavoq Naalakkersuisut pisussaaffilerneqisigut, tamanna ajunngitsutut isigaarput naammagittaalliorsinnatitaaneq ataatsimut katersuiffilerneqarsinnaammat tassuunakkut.

Siunnersuut julimi sapaatip akunnerini sisamani tusarniutigineqarsimavoq, tusarniaavigineqartulli tamarmik akissuteqarsimannginneri malugniarnartuuvoq, qujanartumillu Transperency Greenlandip sukumiisumik akissuteqarsimanera maluginagassaavoq, tusarniaanermi akissutigineqartunut Naalakkersuisut naleqqussaassinnaaffimminni naleqqussarsimallutik.

Apeqquserneqartullu ilaa tassaavoq naammagittaalliornermut tunngatillugu qanoq naammagittaallutit passunneqarneranut tungasumik maleruagassanik ersarissunik aalajngersaasoqartariaqartoq isumaqatiginarpoq, tassungalu Naalakkersuisut akissuteqaataani

INUIT ATAQATIGIIT INATSIARTUNI



massakkorpiaq maleruagassanik erseqqinnerusunik aalijangersaasoqarsinnaannginneraanerat itisilerlugu paaserusunnarpoq.

Imm: 24-ip siunnersuut tassaavoq immikkoortup 23-ip atuutilersinneqarnissaannut tunngasorujussuaq, siunnersuutit taakku marluk imminnut pinngitsoorsinnaanngillat, qulaannilu apeqqutit taakkartukkagut immikkoortoq 24-imuttaaq atuummassuteqarput.

Immikkoortumi 23-ip aamma 24-ip siunertaat qularutissaanngitsumik taperserparput taamaattorli apeqqutigisagut qulaajartikkusutagut tunngavigalugut ataatsimiititaliamut suliaq ingerlateqqipparput, aappassaaneerneqannginnerani akissutissat piumallugit.

Qujanaq.